


濟生拔粹方

一



據中國國家圖書館北京
大學圖書館藏元刻本影印
原書版框高十九·八釐米
寬十三·一釐米

濟生按粹方序



醫之爲業切於用世而學士大夫自爲
攻賤不之省業其家者又或不能至到苟
焉以自肥此醫道之晦而不弘也若乃發
於論注開惠後學則安得不資於前人也
素問述鍼刺仲景始方論今諸家所集浩
繁孰能徧覽枚試而果適用者固在乎明
者之擇焉也昔嘗聞 許文正公語及近
代醫術謂潔古之書醫中之王道服膺斯
言未暇尋繹潔古者張元素也潔古其號
也雲岐子璧其子也東垣李杲明之海藏
王好古進之宗其道者也羅天益謙夫紹
述其術者也皆有書行於世往年致政中
書家居沁上因取而讀之大抵其言理勝
不尚幸功圓融變化不滯一隅開闔抑揚
所趣中會其要以扶護元氣爲主謂類王
道良有以也於其擇其尤切用者節而錄
之門分類以有論有方詳不至冗簡不至

略仍首鍼法以倣古制併及餘人之不虛
而同者以示取舍之公劉爲五帙帙具各
書總名之曰濟生按粹蓋不敢徇人言妄
以諸家爲非尤不敢執己見謾以此書爲
是自度行年八十有一目力心思不逮前
日從事簡要庶於己便復思刻板廣傳嘉
與羣人同茲開惠雖然醫不專於藥而舍
藥無以全醫藥不必於方而舍方無以爲
藥若夫學究天人洞識物理意之所會治
法以之者將不屑於此是書也雖於大方
之家無所發揮苟同余之志者亦未必無
所補也延祐二年十月初吉寶善老人銅
鞮杜思敬序

濟生拔粹總目

一卷

鍼經節要

二卷

潔古雲岐鍼法

竇太師先生流注賦

三卷

鍼經摘英集

四卷

雲岐子注脉訣并方

五卷

潔古珍珠囊

六卷

醫學發明

七卷

八卷

九卷

十卷



十卷

陰證略例

十二卷

傷寒保命集類要_上

十三卷

傷寒保命集類要_下

十四卷

癰論萃英

十五卷

保嬰集

蘭室秘藏節

目

活法機要

衛生寶鑑

雜方

黃帝問曰十二經中氣血多少可得聞乎
岐伯對曰凡經脈也絡谷遠近淺深氣血多少各
不同其所以鍼灸各調其氣血合而刺之補虛瀉實皆須盡知
其部分也

肝足厥陰經少氣多血

心手少陰經少血多氣

脾足太陰經少血多氣

肺手太陰經少血多氣

腎足少陰經少血多氣

膽足少陽經少血多氣

小腸手太陽經多血少氣

胃足陽明經多血多氣

大腸手陽明經多血多氣

膀胱足太陽經多血少氣

心包絡手厥陰經多血少氣

三焦手少陽經多氣少血

視其部中浮絡其色多青則痛多黑則風痺黃赤則熱多白則
寒五色皆見寒熱也感虛則留於筋骨之間寒多則筋挛骨痛
熱多則骨消筋緩也

傍通十二經絡流注孔穴之圖

春刺井木	少商	少衝	大敦	隱白	湧泉	中衝
夏刺榮火	魚際	少府	行間	大都	然谷	勞宮
仲夏刺俞土	太淵	神門	太衝	太白	太谿	太陵
秋刺經金	經渠	靈道	中封	商丘	復溜	間使
冬刺合水	尺澤	少海	曲泉	陰陵泉	陰谷	曲澤
所出為井金	大腸	小腸	膽	胃	膀胱	三焦
所流為榮水	商陽	少澤	竅陰	厲兌	至陰	關衝
	二間	前谷	後谿	內庭	通谷	液門

所注為膈木	三間	後谿	臨泣	陷谷	東骨	中渚
所過為原	合谷	腕骨	丘墟	衝陽	京骨	陽池
所行為經火	陽谿	陽谷	陽輔	解谿	崑崙	支溝
所入為合土	曲池	小海	陽陵泉	三里	委中	天井

十二經是動所生之病

手太陰肺之經

是動病氣

肺脹滿膨膨而喘欬缺盆中痛甚則交兩手而脅是謂臂厥主肺

所生病血

咳嗽上氣喘喝煩心胃滿膈臂內前廉痠掌中熱氣盛有餘則肩背痛風汗出中風小便數而欠氣虛則有背痛寒

少氣不足以息溺色變卒遺失無度

手太陰小腸經

是動病

嗌痛頷腫不可迴顧有似拔膈似折主腋

所生病

耳聾目黃頰頷腫頸有膿肘臂外後廉痛

手陽明大腸經

是動病

齒痛頰腫生津

所生病

目黃口乾欬衄喉痺肩前膈痛大指次指痛不用氣有餘則常然過者則腫並則寒慄不仁

足厥陰肝之經

是動病

腰痛不可以俛仰丈夫癩疝婦人少腹腫甚則噤乾面黧
脫色主肝

所生病

胃滿嘔逆洞泄狐疝遺溺閉癢

足少陽膽之經

是動病

口苦善太息心脇痛不能轉側甚則面微塵體無膏澤足
外反熱是為陽厥主骨

所生病

頭痛角頷腫痛目銳皆痛缺盆中腫痛腋下腫馬刀挾癭

鐵釘

一

三

汗出振寒瘧骨脇肋髀膝外至脛絕骨外踝前及諸節皆

痛小指次指不用

足少陰腎之經

是動病

飢不欲食面黑如炭色欬唾則有血喉鳴而喘坐而欲起
目眈眈無所見心懸若飢狀氣不足則善恐心惕惕若人

將捕之是謂骨蒸主腎

所生病

心熱舌乾咽腫上氣噎乾及痛煩心心痛黃疸腸癰脊股

內後廉痛痿厥嗜臥足下熱而痛

手少陰心之經

是動病

嗔乾心瘧渴而欲飲是謂臂厥主心
所生病

目黃脇痛臍內後廉痛厥掌中熱

手厥陰心包絡經

是動病

手心熱肘臂挛急腋腫甚則胃脇支滿心中澹澹大動面
赤目黃善笑不休主脉

所生病

煩心心痛掌中熱

足太陽膀胱經

是動病

頭痛目似脫項似拔脊痛腰似折髀不可以曲膈似結喘

一經在

似裂是謂蹠厥主筋

所生病

痔瘡狂癲疾頭腦頂痛目黃淚出軌衄項背腰尻膈脇脚

皆痛小指不用

足陽明胃之經

是動病

悽悽然振寒善伸數欠顏黑病至則惡人與聞木音則惕
然而驚心動欲閉戶牖而獨處甚則欲上高而歌棄衣而
走音響腹脹是謂骭厥主血

所生病

狂瘡溫淫汗出軌衄口喎唇脰腫喉痺大腹水腫膝膕
腫痛循膺乳衄股伏兔腎外廉足跗上皆痛中指不用氣

盛則身以前皆熱其有熱於胃則消穀善飢溺色黃氣不
足則身以前皆寒燥胃中寒則脹滿

手少陽三焦經

是動病

耳聾渾渾焯焯眩腫喉痺主氣

所生病

汗出目銳皆痛耳後肩臑肘臂外皆痛小指次指不用

足太陰脾之經

是動病

舌本強食則嘔胃脘痛腹脹善噫得後與氣則快然如衰

身軀皆重主脾

所生病

鍼法

五

舌本痛體不能動搖食不下煩心心下急痛寒瘧溼痕油

水閉黃疸不能卧強立股膝內腫厥足大指不用

十二經穴治證

手太陰肺經

少商井

魚際榮

太淵俞

經渠經

尺澤合

。少商二穴木也在手大指端內側去爪甲角如韭葉手太

陰之脈所出也為井治煩心善噦心下滿汗出而寒欬逆

痰癯振寒腹滿唾沫脣乾引飲不下膨脹手拳指痛寒慄

鼓頷喉中鳴以三稜鍼刺之微出血洩藏熱溼唐刺史成

君綽忽顛頷腫大如升喉中閉塞水粒不下三日甄權鍼

之立愈不宜灸

魚際二穴火也在手大指本節後內側散脈中手太陰肺

之所流也為榮治酒病惡風寒虛熱苦上黃身熱頭痛欬嗽汗不出痺止曾背痛不得息目眩煩心少氣腹痛不下食肘掌肢滿喉中乾燥寒慄鼓頷欬引尻痛溺出嘔血心痺悲恐鍼入二分留三呼

○太淵二穴土也在手掌後陷中手太陰脉之所注也為腧治胃痺逆氣寒厥善噦嘔飲水欬煩怒不得卧肺脹滿膨脹臂內廉痛目生白翳眼背赤筋缺盆中引痛掌中熱數欠喘不得息噫氣上逆心痛嘔血振寒咽乾狂言口噤可灸三壯鍼入二分

○經渠二穴金也在寸口陷中手太陰脉之所行也為經治瘧寒熱曾背拘急曾滿膨膨喉痺掌中熱欬上氣數欠熱病汗不出暴痺喘促心痛嘔吐鍼入二分留三呼禁不

可灸灸即傷人神

○尺澤二穴水也在肘中約上動脉中手太陰脉之所入也為合治風痺肘挛手臂不得舉喉痺上氣口乾欬唾濁四支暴腫臂寒短氣鍼入三分灸五壯

手陽明大腸經

商陽井

二間榮

三間俞

合骨原

陽谿經

曲池合

○商陽二穴金也一名絕陽在大指次指內側去爪甲角如韭葉手陽明脉之所出也為井治曾中氣滿喘欬支腫熱病汗不出耳鳴耳聾寒熱痰瘧口乾頤頷腫齒痛惡寒有背急相引缺盆痛目青育可灸三壯右取左左取右如頃食豆已鍼入一分留一呼

二間二穴水也一名間谷在手大指次指本節前內側陷

中手陽明脉之所流也為榮治喉痺頰腫有背痛振寒鼻
翹衄血多驚口喎鍼入三分可灸三壯

。三間二穴木也一名少谷在手大指次指本節之後內側
陷中手陽明脉之所注也為腧治喉痺咽中如梗齒齲痛
嗜卧胃滿腸鳴洞泄寒瘧唇焦口乾氣喘目昏急痛鍼入
三分留三呼可灸三壯

。合谷二穴一名虎口在大指次指岐骨間陷中手陽明脉
之所過也為原療寒熱瘧鼻衄熱病汗不出目視不明
頭痛齒齲喉痺痿臂面腫唇吻不收瘡不能言口噤不開
鍼入三分留六呼可灸三壯 若婦人妊娠不可刺刺之
損胎氣

。陽谿二穴火也一名中魁在腕中上側兩筋陷中手陽明

脉之所行也為經治狂言喜笑見鬼熱病煩心目風赤爛
有翳厥逆頭痛曾滿不得息寒熱瘧疾喉痺耳鳴齒痛驚
掣肘臂不舉痲疥鍼入三分留七呼可灸三壯

。曲池二穴土也在肘外輔骨屈肘曲骨之中以手拱臂取
之手陽明脉之所入也為合治肘中痛偏風半身不遂刺
風癢疹喉痺不能言曾中煩滿筋緩捉物不得挽弓不開
屈伸難風痺肘細而無力傷寒餘熱不盡皮膚乾燥鍼入
七分得氣先瀉後補之灸亦大良可灸三壯

手少陰心經

少衝井 少府榮 神門俞 靈道經 少海合

。少衝二穴木也一名經始在手小指內廉之端去爪甲角
如韭葉手少陰脉之所出也為井治熱病煩滿上氣心痛

瘰癧少氣悲恐善驚掌中熱曾中痛口中熱咽中酸下寒
乍熱手牽不伸引肘腋痛鍼入一分可灸三壯

○少府二穴火也在小指末節後陷中直勞宮手少陰脉之
所流也為榮治煩滿少氣悲恐畏人掌中熱肘腋牽急曾
中痛手卷不伸鍼入二分可灸七壯

○神門二穴土也一名兌衝在掌後兌骨之端陷中手少陰
脉之所注也為腧治瘡心煩心煩甚欲得飲冷惡寒則欲
處溫中咽乾不嗜食心痛數噫恐悸少氣不足手臂寒喘
逆身熱狂悲哭嘔血上氣遺溺大小便五癰可灸七壯炷
如小麥大鍼入三分留七呼

○靈道二穴金也去掌後一寸五分或一寸手少陰脉之所
行也為經治心痛悲恐相引瘰癧肘牽暴暗不能言可灸

三壯鍼入三分

○少海二穴水也一名曲節在肘內廉節後又云肘內大骨
外去用端五分手少陰脉之所入也為合治寒熱齒齲痛
目眩發狂嘔吐涎沫項不得迴顧肘牽腋脇下痛四肢不
得舉鍼入三分可灸三壯甄權云屈手向頭取之治齒寒
腦風頭痛不宜灸鍼入五分

手太陽小腸經

少澤 牛 前谷 榮 後谿 俞 腕骨 原 陽谷 經 小海 合

○少澤二穴金也一名小吉在手小指之端去爪甲下一分
陷中手太陽脉之所出也為井治瘡寒熱汗不出喉痺舌
強口乾心煩臂痛癭癧欬嗽頸項急不可顧目生膚發鼻衄
瞳子可灸一壯鍼入一分

○前谷二穴水也在手小指外側本節之前陷中手太陽脉之所流也為榮治熱病汗不出痲瘧癰疾耳鳴頰腫喉痺欬嗽衄血頸項痛鼻塞不利目中白翳臂不得舉可灸一壯鍼入八分

○後谿二穴木也在手小指外側本節後陷中手太陽脉之所注也為腧治瘧寒熱目赤生翳鼻衄耳聾骨滿頸項強不得迴顧癰疾臂肘挛急可灸一壯鍼入一分

○腕骨二穴在手外側腕前起骨下陷中手太陽脉之所過也為原熱病汗不出脇下痛不得息頸頰腫寒熱耳鳴目冷淚生翳狂陽偏枯臂肘不得屈伸痲瘧頭痛煩悶驚風瘈瘲五指掣可灸二壯鍼入二分留三呼

○陽谷二穴火也在手外側腕中兌骨之下陷中手太陽脉之所行也為經治癰疾狂走熱病汗不出脇痛頸頰腫寒熱耳聾耳鳴齒齲痛臂外側痛不舉妄言左右顧瘈瘲目眩可灸三壯鍼入二分留二呼

○小海二穴土也在肘內大骨外去肘端五分陷中甄權云以屈手向頭取之手太陽脉之所入也為合治寒熱齒齲腫風眩頸項痛湯腫振寒肘腋腫少腹痛四肢不舉可灸三壯鍼入二分

手厥陰心包絡經

中衝井 勞宮榮 大陵俞 間使經 曲澤合

○中衝二穴木也在手中指端去爪甲如韭葉陷中手厥陰心主脉之所出也為井治熱病煩悶汗不出掌中熱一身如火心痛煩滿舌強鍼入一分

○勞宮二穴火也在掌中央動脈中以無名指取之手
陰脈之所流也為漿治中風善怒悲笑不休手痺熱病二
日汗不出怵惕胃脇痛不可轉側大小便血衄血不止氣
逆嘔噦煩渴食飲不下大小口中腥臭胃脇支滿黃疸
目黃可灸三壯

○太陵二穴土也在掌後兩筋間陷中手厥陰脈之所注也
為膈治熱病汗不出臂掌肢腫善笑不休心懸若飢喜悲
泣驚恐目赤小便如血嘔逆狂言不樂喉痺口乾身熱頭
痛短氣胃脇痛鍼入五分一灸二壯

○間使二穴金也在掌後三寸兩筋間陷中手厥陰脈之所
行也為經治心懸如飢卒狂胃中澹澹惡風寒嘔吐怵惕
寒中少氣掌中熱肢腫肘掌卒心痛多驚痞不得語咽中

如梗可灸五壯鍼入三分岐伯云可灸鬼邪

○曲澤二穴水也在肘內廉陷中屈肘取之手厥陰脈之所
入也為合治心痛善驚身熱煩渴口乾逆氣嘔血風胗臂
肘手腕善動搖可灸三壯鍼入二分留七呼

手少陽三焦經

關衝井 液門榮 中渚俞 陽池原 支溝經 天井合

○關衝二穴金也在手小指次指之端去爪甲角如韭葉手
少陽脈之所出也為井治喉痺舌卷口乾頭痛霍亂胃中
氣噎不嗜食臂肘痛不可舉目生翳膜視物不明鍼入一
分可灸一壯慎豬魚酒麪生冷等物

○液門二穴水也在手小指次指間陷中手少陽脈之所流
也為榮治驚悸忘言咽外腫寒熱手足臂痛不能自上下

○癰寒熱目眩頭暈目赤齒齲痛鍼入二分可灸三壯

○中渚二穴木也左羊小指次指本節後間陷中手少陽脈之所注也為胸治熱病汗不出目眩頭痛耳聾目生翳膜久瘡咽腫肘臂痛手五指不得屈伸鍼入二分可灸三壯

○陽池二穴一名別陽在手表腕上陷中手少陽脈之所過也為原治寒熱瘧或因折傷手腕捉物不得有臂痛不得舉鍼入二分留三呼不可灸慎同前

○支溝二穴火也在腕後三寸兩骨之間陷中手少陽脈之所行也為經治熱病汗不出有臂痠重脊肢痛四肢不舉霍亂嘔吐口噤不開暴啞不能言可灸七壯鍼入二分慎同

○天井二穴土也在肘外大骨後肘後上一寸兩筋間陷中

屈肘得之手少陽脈之所入也為合甄權云曲肘後一寸以手按膝頭取之兩筋骨罅治心胃痛欬嗽上氣唾膿不嗜食驚悸瘕瘵風痺臂肘痛捉物不得鍼入三分

足厥陰肝經

大敦井

行間榮

太衝俞

中封經

曲泉合

○大敦二穴木也在足大指端去爪甲如韭葉及三毛中足厥陰脈之所出也為井治卒疝小便數遺溺陰頭中痛心痛汗出陰上入腹陰偏大腹臍中痛悒悒不樂病右取左左取右腹脹腫病少腹痛中熱喜寐尸蹙狀如死人婦人血崩不止可灸三壯鍼入三分留六呼內側為隱白外側

富大敦

○行間二穴火也在足大指間動脈應手陷中足厥陰脈之

流也為榮治難又曰清寒則少腹痛欬逆嘔血
可悅即腹中結心痛也昏暴如死狀終日不得息口噤
肢逆冷盜乾煩渴頭不欲視目中淚出太息羸疾短氣可
灸三壯鍼入六分留十呼

○太衝二穴土也在足大指本節後二寸或一寸半陷中凡
胗大衝脈可訣男子病死生足厥陰脈之所注也為膈治
腰引少腹痛小便不利狀如淋疔疔少腹腫溇遺溺陰
痛面目蒼色胃脇支滿足寒大便難嘔血女子漏血不止
小兒卒疝嘔逆發寒噤乾肘腫內踝前痛淫滲筋痠腋下
腫馬刀瘍瘻瘡腫鍼入三分留十呼可灸三壯

○中封二穴金也在足內踝前一寸仰足取之陷中伸足乃
得之足厥陰脈之所行也為經治痲瘖色蒼蒼振寒少腹
腫食快快繞臍痛足逆冷不嗜食身體不仁寒疝引腰中
痛或身微熱鍼入四分留七呼可灸三壯

○曲泉二穴水也在膝內輔骨下大筋上小筋下陷中屈膝
取之足厥陰脈之所入也為合治女子血瘕按之如湯浸
股內少腹腫陰挺出丈夫癩疔陰股痛小便難復脇支滿
瘕閉少氣洩利四肢不舉實即身熱目眩痛汗不出目眩
眩膝痛痛筋擊不可伸發狂衄血喘呼少腹中喉咽
鍼入六分灸三壯 入云正膝內外兩筋間宛宛中又
在膝曲橫文頭心 勞尖精身體極痛洩水下利濃血陰
腫疔腫可灸三壯 鍼入六分留十呼

足少陽經

陽明經 陽明經 陽明經

○竅陰一沈金山在足小指次指之端去八甲如韭葉足少陽脉之所出也為井治脇痛欬逆不得息手足煩熱汗不出轉筋癱疽頭痛心煩喉痺舌強口乾肘不可舉卒聾不聞人語可灸三壯鍼入一分

○俠谿二穴水也在足小指二岐骨間本節前陷中足少陽脉之所流也為榮治胃脇支滿寒熱汗不出目外眦赤目眩頰頰腫耳聾曾中痛不可轉側痛無常處可灸三壯鍼入三分

○臨泣二穴木也在足小指次指本節後間陷中去俠谿一寸五分足少陽脉之所注也為輸治曾中滿缺盆中及腋下腫馬刀瘍癩善醫頰天牖中腫淫樂斷痠目眩枕骨合顛痛洒淅振寒婦人月事不利季脇支滿乳癰心痛周痺

痛無常處厥逆氣喘不能行痲瘡日發可灸三壯鍼入二分
○丘墟二穴在足外踝下如前陷中去臨泣三寸足少陽脉之所過也為原治曾脇滿痛不得息久瘡振寒腋下腫痠厥坐不能起髀樞中痛目生翳膜腿筋痠轉筋卒疝少腹堅寒熱頸腫可灸三壯鍼入五分留七呼

○陽輔二穴火也在足外踝上四寸輔骨前絕骨端如前三分去丘墟七寸足少陽脉之所行也為經治腰溶溶如坐水中膝下膚腫筋掣諸節虛痛痛无常處腋下腫癢喉痺馬刀膝筋痠風痺不仁可灸三壯鍼入五分留七呼

○陽陵泉二穴土也在膝下一寸外廉陷中足少陽脉之所入也為合鍼入六分得氣即瀉又宜久留鍼為要也治膝伸不得屈冷痺脚不仁偏風半身不遂脚冷無血色又以

蹲坐取之灸亦良日灸七壯至十七壯即止
足太陰脾經

隱白井

大都

大白

商丘

陰陵泉

合

○隱白二穴木也在足大指端內側去爪甲角如韭葉足太陰脈之所出也為井治腹脹喘滿不得安卧嘔吐食不下暴洩衄血卒尸蹙不識人足寒不能溫鍼入三分 婦人月事過時刺之立愈

○大都二穴火也在足大指本節後陷中足太陰脈之所流也為榮治熱病汗不出手足逆冷腹滿善嘔煩熱悶亂吐逆目眩可灸三壯鍼入三分

○大白二穴土也在足內側核骨下陷中足太陰脈之所注也為腧治身熱煩滿腹脹食不化嘔吐洩瀉血腰痛大便難氣逆霍亂腹中切痛可灸三壯鍼入三分

○商丘二穴金也在足踝下微前陷中足太陰脈之所行也為經治腹脹腸中鳴不便脾虛令人不樂身寒善太息心悲氣逆痔疾骨疽蝕絕子厭夢可灸三壯鍼入三分

○陰陵泉二穴水也在膝下內側輔骨下陷中伸足取之足太陰脈之所入也為合又屈膝取之治腹中寒不嗜食膈下滿水脹腹堅喘逆不得卧胃痛不得俛仰霍亂疝瘕小便不利氣淋寒熱不節鍼入五分

足陽明胃經

厲兌井

內庭

陷谷

衝陽

解谿

三里

合

○厲兌二穴金也在足大指次指之端去爪甲如韭葉足陽明脈之所出也為井治尸蹙口噤通絕狀如尸暴心腹脹

滿熱病汗不出寒瘧不省食而嘔吐所寒喉痺齒齲惡風
鼻不利多驚好卧鍼入一分可灸一壯

○內庭二穴水也在足大指次指外間陷中是陽明脉之所
流也為榮治四肢厥逆腹脹滿數入惡聞人聲振寒咽中
引痛口喎齒齲痛瘡不嗜食可灸三壯鍼入三分

○陷谷二穴木也在足大指次指之間本節後陷中去內庭
二寸是陽明脉之所注也為腧治面目浮腫及水病善噫
腸鳴腹痛熱病汗不出振寒瘧疾鍼入三分留七呼可灸
三壯

○衝陽二穴在足跗上去陷谷三寸是陽明脉之所過也為
原治偏風口眼喎肘腫齒齲痛發寒熱腹堅大不嗜食振
寒久狂登高而歌棄衣而走足緩履不收鍼入五分可灸

三壯

○解谿二穴火也在衝陽後一寸五分腕上陷中足陽明脉
之所行也為經治風面浮腫顏黑厥氣上衝腹脹大便下
重溼驚膝股筋腫轉筋目眩痛癩疾煩心悲泣霍亂頭
風面赤目赤鍼入五分灸三壯

○三里二穴土也在膝下三寸筋外廉兩筋間當舉足取之
是陽明脉之所入也為合治胃中寒心腹脹滿胃氣不足
聞食臭腸鳴腹痛食不化 素水相云諸病皆治食氣水
氣盡毒疰癖四肢腫滿膝筋痠痛目不明 華陀云療五
勞羸瘦七傷虛之曾中瘀血乳癰 外臺明堂云人年三
十已上若不灸三里冷氣上衝目可灸三壯鍼入五分

足少陰經

湧泉井 然谷榮 大絡前 復溜糾 陰谷合

○湧泉二穴木也在足心陷中一名地衝屈足卷指死中足少陰脉之所出也為井治腰痛大便難心中結熱風疹風癩心病不嗜食婦人無子欬嗽身熱喉痺胃脇兩目眩男子如蠱女子如妊娠五指端盡痛足不得踐地可灸三壯鍼入五分無令出血 淳于意云漢北齊王阿母患足下熱喘病謂曰熱厥也當刺之足心立愈

○然谷二穴火也一名龍淵在足內踝前起大骨下陷中足少陰脉之所流也為榮治咽內腫心恐懼如人將捕涎出喘呼少氣足跗腫不得履地寒疝少腹脹上膈胃脇欬唾血喉痺淋瀝女子不孕男子精溢筋痠不能久立足一寒一熱舌縱煩滿消渴初生小兒臍風口噤痠厥洞洩可灸

三壯鍼入三分不宜見血

○太谿二穴土也在內踝後跟骨上動脉陷中足少陰脉之所注也為腧治久瘡欬逆心痛如錐刺其心手足寒至節喘息者死嘔吐口中如膠善噫寒疝熱病汗不出默默嗜卧溺黃消瘰大便難咽腫唾血 痲痺寒熱欬嗽不嗜食腹脇痛瘦脊手足厥冷可灸三壯鍼入三分

○復溜二穴金也一名盲陽一名伏白在足內踝上二寸陷中是足少陰脉之所行也為經治腰脊內引痛不得俯仰起坐目眩眩善怒多言舌乾涎自出足痠不收獲筋寒不自溫腹中雷鳴腹脹如鼓四肢腫十水病溺青赤黃白黑

青取井 赤取榮 黃取腧 白取經 黑取合
血痔洩後腫五淋小便如散大骨寒熱汗注不止可灸五

壯鍼入三分留二呼

○陰谷二穴水也在膝內輔骨後大筋下小筋上按之應手
屈膝乃取之少陰脈之所入也為合治膝痛如錐不得屈
伸舌縱涎下煩逆溺難少腹急引陰痛股內廉痛婦人漏
下不止腹脹滿不得息小便黃男子如蠱女子如妊娠可
灸二壯鍼入四分留七呼

足太陽膀胱經

至陰

井 通谷

榮 東骨

俞 京骨

原 崑崙

經 委中

○至陰二穴金也在足小指外側去爪甲角如韭葉足太陽
脈之所出也為井治目生翳鼻塞頭重風寒從足小指起
脉痺上下帶胛脇痛無常轉筋寒瘧汗不出煩心足下熱
小便不利失精鍼入二分可灸三壯

鍼經即要

卷之七

○通谷二穴水也在足小指外本節前陷中足太陽脈之所
流也為榮治頭重目眩善驚引軌衄頸項痛目眇眇
權云結積留飲胃滿食不化可灸三壯鍼入二分

○東骨二穴木也在足小指本節後陷中足太陽脈之所注
也為輸治腰如折膈如結耳聾惡風寒目眩項不可迴顧
目內眥赤爛可灸三壯鍼入三分

○京骨二穴在足外側大骨下赤白肉際陷中足太陽脈之
所過也為原治膝痛不可屈伸目內眥赤爛發瘧寒熱善
驚不欲食筋攣足脣痛髀樞痛頸項強腰背不可悅仰
衄不止目眩鍼入三分可灸七壯

○崑崙二穴火也在外踝後跟骨上陷中足太陽脈之所行
也為經治腰尻痛足端腫不得履地軌脚如結踝如刺

頭痛有背拘急欬喘暴滿陰腫痛小兒發癩癩飛疔如心
麥大可灸三壯鍼入三分

委中二穴土也在膈中央約文中動脈是太陽脈之所入
也為合治腰俠脊沉沉然遺溺腰重不能舉體風痺脾樞
痛可出血痼疹皆愈委中者血郤也熱病汗不出足熱厥
逆滿膝不得屈伸取其經血立愈

鍼經節要

委中穴在膈中央約文中動脈是太陽脈之所入也為合治腰俠脊沉沉然遺溺腰重不能舉體風痺脾樞痛可出血痼疹皆愈委中者血郤也熱病汗不出足熱厥逆滿膝不得屈伸取其經血立愈

虞岐子論經絡迎隨補瀉法

濟生拔粹方卷第三

能知迎隨可令調之調氣之方必以陽陰陽者氣榮衛之流
行逆順經脈往來終始凡用針順經而刺之為之補迎經而奪
之為之瀉故迎而奪之安得無虛隨而取之安得無實此謂迎
隨補瀉之法也

經絡取原法

本經原穴者無經絡逆從子母補瀉凡刺原穴診見動作來應
手而納鍼吸則得氣無令出鍼停而又出氣盡乃出此技原之
法也

王海藏技原例

假令鍼肝經病了手本經原穴亦鍼一鍼如補肝經來亦于本
經原穴亦補一鍼如瀉肝經來亦于本經原穴瀉一鍼如餘經

有補瀉鍼畢做此例亦補瀉各經原穴

手太陰之原出於太淵 手少陰之原出於神門

手厥陰之原出於太陵 手太陽之原出於腕骨

手陽明之原出於合谷 手少陽之原出於陽池

足太陰之原出於太白 足少陰之原出於太谿

足厥陰之原出於太衝 足太陽之原出於京骨

足陽明之原出於衝陽 足少陽之原出於丘墟

凡此十二原穴非瀉子補母之法虛實通用故五藏六府有病
皆取其原是也

井主心下滿

榮主身熱

俞主體重節痛

經主喘欬寒熱

合主逆氣而泄

經絡喻言配合法

五藏六府各有井榮輸經合府為陽藏為陰陽主表陰主裏故
為陰陽榮衛相合其中陰井乙木陽井庚金陰榮丁火陽榮壬
水陰輸己土陽輸甲木陰經辛金陽庚丙火陰合癸水陽合戊
土故陰陽輸榮而各不同有配之法名曰對刺手之三陰始于
癸而終于乙手之三陽始于庚而終于戊足之三陰始于戊而
終于庚是之三陰始于乙而終于癸手之陰陽陰逆而陽順是
之陰陽陽逆而陰順此陰陽逆順不可不知也

辨傷寒熱甚五十九刺

五十九刺者為頭上五行以尅越諸陽之熱也

大杼 膺俞 缺盆 背俞 此八者以瀉胃中之熱也

氣衝 三里 巨虛 上下廉 此八者以瀉胃中之熱也

雲門 偶骨 委中 髓空 此八者以瀉四肢之熱也

五藏輸傍五此十者以瀉五藏之熱也凡此五十九穴者背之
左右故病甚則當刺之凡刺之法吸則納鍼得氣則瀉勿令遲
緩起似發機故鍼經曰熱者疾之

刺熱病汗不出

夫傷寒熱病汗不出者榮衛不交陰陽不和故汗不出當解結
雪汗通其經絡和其陰陽令汗得出

手陽明有商陽合谷 手太陽有腕骨陽谷

足少陽有俠谿 足陽明有厲兌

手厥陰有勞宮

凡此七穴皆刺熱病汗不出隨經辨脈調其陰陽和其榮衛令
汗得出又十二經之榮皆治身熱為七身熱皆南方火故經曰
榮主身熱皆可刺也

刺傷寒結胃痞氣

傷寒下後結胃痞氣者皆是三陰之經手三陰之始胃中結痞過在足少陰腎手厥陰包絡刺兩經之井原以瀉胃中之氣心中結痞過在足太陰脾手少陰心刺兩經之井原以瀉胃中之氣或上腕中腕下腕應痞結而瀉之

刺傷寒三陽頭痛法

傷寒三陽頭痛何法刺之答曰手之三陽足之三陽皆會於頭者謂諸陽之會其受邪伏留而不去故曰三陽頭痛視其色脉知在何經而取之

如脉浮而頭痛過在手足太陽刺 腕骨 京骨

如脉浮而長過在手足陽明刺 倉谷 衝陽

如脉浮而弦過在手足少陽刺 陽池 丘墟 風府 風池

已上數穴刺三陽頭痛之法也

刺傷寒三陰腹痛法

傷寒邪在三陰內不得交通故為腹痛手足之經皆會於腹隨經取之

如脉弦而腹痛過在足厥陰肝手太陰肺刺 太衝 太淵 太陵

如脉沉而腹痛過在足少陰腎手厥陰心包刺 太谿 太陵 如脉細沉而腹痛過在足太陰脾手少陰心刺 太白 神門

三陰交

已上數穴刺三陰腹痛之法也

灸少陰原救脉法

傷寒陰病脈欲絕當灸太谿穴太谿者足少陰腎之原少陰病屬水陰氣太盛陽氣不得營故瀉陰補陽陰毒傷寒體沉四肢俱重腹痛脈微遲當灸氣海或關元脈屬少陰故同法瀉陰補陽也

辨傷寒藥附鍼灸法

傷寒經與表合鍼與藥自汗遂漏不止刺風池風府却與桂枝湯傷寒經與裏合灸太谿七壯與通脈四逆湯此太陽少陰表裏之法故表可鍼太陽也裏可灸少陰也

傷寒刺期門

太陽病頭痛眩冒心下痞者刺肺腧肝腧不可發汗發汗則譫語不止當刺期門穴

頭痛冒眩太陽經病可發汗心下痞滿邪傳裏也不可發汗

傷寒論卷之八

中

刺肺腧肝腧奪其邪氣二穴皆在太陽經也是高下之刺也妄發其汗內亡津液傳屬陽明故譫語不止未太實者當瀉肝經刺期門恐傳於脾胃也

傷寒腹滿譫語寸口脈浮而緊此肝乘脾也名曰蹤刺期門

腹滿譫語大陰陽明也脈浮而緊肝脈也故夫乘妻名曰蹤

當刺期門

傷寒發熱晡晡惡寒大渴欲水其腹必滿自汗出小便利肝乘肺也名曰橫刺期門發熱晡晡惡寒者肺病也大渴也上焦有熱也自汗者表虛也小便利者裏和也妻來乘夫名曰橫當刺期門

潔古刺諸痛法

內經曰留瘦不移節而刺之十二經無遺絕假令如見十二經

中是何經絡不通行當鍼不通以凝滯俱令氣過節次無問其病以平為期如諸經俱虛補之諸經俱實瀉之補當隨而濟之瀉當迎而奪之又補母亦名隨而濟之瀉子亦名迎而奪之又隨呼吸出納亦名迎隨也

兩脇痛少陽立墟

心痛少陰太谿湧泉足厥陰原穴

腰痛崑崙及委中出血

喘滿痰實口中如膠足少陰太谿

嘔噦無度手厥陰太陵

頭痛手足太陽原穴

熱無度不可止陷谷出血

百節疼痛實無所知三稜刺絕骨出血

小腸疝痛足厥陰太衝

血衄不止大小便血婦人血不止刺足太陰井

喉閉手足少陽井并少商手足太陰井穴

大煩熱不止晝夜無度刺十指間出血謂八關大刺

眼發睛欲出者亦須大刺八關

陰頭中痛不可忍卒疝痛婦人陰中痛皆刺足厥陰井

眼痛大眦痛刺手太陽井 小眦痛少陽井

骨熱不可治前板齒乾燥當灸骨會大椎

心痛脈沉腎原穴

弦肝原穴

瀉肺原穴

浮心原穴

緩脾原穴

腰痛

身之前足陽明原穴

身之後足太陽原穴

身之側足少陽原穴

此鍼之撮要也

寶大師流注指要賦

引云望聞問切推明得病之源補瀉迎隨揭示用鍼之要予於學始迄於今雖常覃思以研精竟未鉤玄而曠隱俄經傳之暇日承外舅之訓言云乃世紛孰非兵擾其人也神無依而心無定或病之精必奪而氣必衰兼萬國因亂而隔殊醫物絕商而那得設方有效歷市無求不若矻功立排疾勢乃以受教遂敏求師前後僅十七年一二無真箇輩後避屯於蔡邑方獲訣於李君斯人以鍼道救疾也除疼痛於目前愈瘵病於指下信所謂伏如彊弩應若發機萬舉萬痊百發百中者也加之以好生之念素無竊利之心嘗謂予曰天寶不泄於非人聖道須傳於賢者僕不揆遂整有求之懇獲成無吝之誠授宬之秘者四十有三療疾而弗瘳者萬無一失遂銘諸心而著之髓務極其困而扶其危而後除疼痛迅若手拈破結聚渙如冰釋夫鍼也者果神矣哉然念茲宬膺而或忘借其聲律則易記輒裁八韻賦就一篇詎敢匿於己私庶或傳於同志

必欲治病莫如用鍼巧運神機之妙工開聖理之深外質砭金能蠲邪而扶正中含水火善迴陽而倒陰原夫絡別支殊經交錯綜會溝池谿谷以岐異或山海丘陵而隙共斯流派以難揆在條綱而有統理繁而昧縱補瀉以何功法捷而明自迎隨而得用行步艱移太衝最奇人中除脊督之強痛神門去心性之呆癡風傷項急使求於風府頭暈目眩要覓於風池耳閉須聽會而治也眼疼必合谷以推之胃膈身黃取湧泉而即可腦昏目赤瀉鑢竹以偏宜但見若兩肘之拘攣杖曲池而平掃牙齒

痛巨細堪。頭項強承漿可保太白宣導於氣街陰陵開通於水道腹膜而脹奪內庭以休遲筋轉而疼瀉承山之在早大抵脚腕疼崑崙解愈股膝痛陰市能醫癩發顛狂兮憑後谿而料理瘡生寒熱兮仗間使以扶持期門罷曾滿血膨而可以勞宮退胃翻心痛以何疑稽夫大敦去七疝之偏疼王公謂此三里却五勞之羸瘦華老言斯因知腕骨祛黃然骨瀉腎行間治膝腫目疾尺澤去肘疼筋緊自昏不見二間宜取鼻塞無聞迎香可引肩井除兩胛痛難任絲竹空療偏頭疼不忍效嗽寒痰列缺堪憑曖職冷淚臨泣尤准寬骨將腿疼以祛殘腎膈把腰疼而瀉盡以見越人治尸厥於維會隨手而甦文伯瀉胎死於三陰交應鍼而墮足表諸痛為實但麻曰虛實則自外而入也虛則從內而出於以故濟母而裨其不足奪子而平其有餘觀二

卷之四論經絡

二

十七之經絡一 二明辨據四百四之疾證件 二皆除從此天狂都無躋斯民於壽域幾微已判彰往古之賢書抑又聞心曾病求掌後之大陵肩臂患責肘前之三里冷痺腎餘取足陽明之土連臍腹痛瀉足少陰之水脊間心後者鍼中渚而立痊脇下肋邊者刺陽陵而即止頭項擬後谿以安然腰脚在委中而已矣夫用鍼之士於此苟明者焉收却邪之功而在於撚指

離合真邪說

古有離合真邪云者蓋聖人欲使其邪相離而勿合之謂也若邪入於真則真受其蠱而不遂其純一之真真之不遂則其所謂真也罹害有不可言者真被乎邪竊其柄而肆其橫逆之邪邪之既橫則其邪為患復可勝言哉嗚呼真邪之不可合也如此胡為真胡為邪真之為言也天理流行付與萬

物萬物得以爲生者皆真也聖人保之如持盈邪之爲言也
天地間非四時五行之正氣而差臻迭至者皆邪也聖人避
之猶矢石其防微杜漸之嚴如是淵有旨哉蓋真立其邪遠
邪麗則真殘邪固可除真尤宜養養真之道無須異求但飲
食男女節之以限風寒暑濕禦之以時復能實慈恕以愛人
虛中襟而應物念慮必爲之防舉止必爲之敬如斯内外交
養周備則吾之生不求生而生無期壽而壽矣不然攝養少
或不嚴則六邪乘隙竟入諸疾交生衆害並作則吾生之真
所與存者幾希故聖人憂之揆度權衡機宜所在示之以剋
邪之方便屏之如雪污拔刺而無遺者以此古人有云植德
務滋除惡務本以此意也然去邪之方經所俱存再拜遺詮
敬爲節錄

帝問邪氣在經其病何如取之奈何對曰邪之在經如水得風
波湧龍起其行脉中循循然其中手也時大時小動無常處
在陰與陽不可爲度卒然逢之早遏其路吸則納鍼無令氣
忤靜以久留無令邪布吸則轉鍼以得氣爲故候呼引鍼呼
盡乃去大氣皆出故命曰瀉

帝曰不足者補之奈何先必捫而循之切而散之推而按之彈
而弩之爪而下之通而取之外引其門以閉其神呼盡納鍼
靜以久留以氣至爲故如待所貴不知日暮其氣以至適而
自護候吸引鍼氣不得出各在其處惟闔其門令神氣存大
氣留止故命曰補

諸穴治證

大衝肝經腧穴也在足大指本節後三寸或一寸半動脉中治

證已具在前

人中一穴在鼻柱下一名水溝督脉手陽明之會治消渴飲水無度水氣偏身腫失笑無時癩瘡語不識尊卑乍喜乍哭牙關不開面腫唇動狀如蟲行卒中惡鍼入四分留五呼得氣即瀉

久亦得神門心經膻穴也在掌後兌骨之端治證在前

風府一穴督脉陽維之會一名舌本在項髮際上一寸大筋内宛宛中疾言其肉立起言休立下禁不可灸不幸使人失瘖治頭痛頸項急不得迴顧目眩鼻衄喉咽痛狂走目妄視鍼入三分風池二穴在顛顛後髮際陷中足少陽陽維之會治洒淅寒熱温病汗不出目眩苦頭痛痰瘧頸項痛不得迴顧目淚出欠氣多鼻軌翳目内背赤痛氣發耳塞目不明腰僂僂引項筋無力不收鍼入七分留七呼灸七壯

平氣喉痛証

方

聽會二穴在耳前陷中上関下一寸動脉宛宛中張口得之手少陽脉氣所發治耳聾中狀如蟬聲通耳食牙車脫日相離二寸其穴側卧張口取之鍼入七分留三呼得氣即瀉不須補灸亦良日可灸五壯至二七壯止十日後依前復灸之即愈忌食動風之物

合谷一名虎口大腸經原穴也在大指次指骨間治證在前

湧泉腎經井穴也一名地衝在足心陷中治證在前

攢竹二穴一名始光光明眉柱在兩眉頭陷中足太陽脉氣所發治目眵眵視物不明眼中赤痛及臉瞤動鍼入一分留三呼瀉二吸徐徐而出鍼不宜灸宜以細三稜鍼刺之宜洩熱氣三度刺目大明忌如前

曲沈大腸經合穴也在肘治證在前

呂細心定大陽膀胱經

承漿一穴一名懸漿在頤前脣下死死中足陽明任脉之會瘰
疔風口渴面腫消渴口齒疳蝕生瘡灸亦佳日可灸七壯至七
七壯止灸即血脉通宣其風應時立愈其艾炷不用大一依小
竹筋頭作炷脉麓細狀如細線艾炷破肉但令當脉灸亦能愈
疾凡灸臍下久冷疝瘕癰氣塊伏梁積氣宜灸炷大腹背宜
五百壯四肢則但去風邪不宜多灸七壯至七七壯止不得過
隨年數如巨闕鳩尾雖是胃腹之穴灸不過七七壯艾炷不須
大以竹筋頭作炷正當脉上灸之若灸胃腹艾炷大灸多令人
求無心力如頭項穴若灸多令人失精神臂脚穴灸多令人血
脉枯竭四肢細瘦無力既復失精神又加於細瘦即脫人真氣
鍼入三分得氣即瀉

大陽膀胱經

大白穴足太陰脾經脬穴也在足側核骨下陷中治證在前

陰陵泉脾經合穴也在膝下內側輔骨下陷中治證在前

內庭胃經榮穴也在足大指次指外間陷中治證在前

承山膀胱經一名魚腸傷山肉付在兌膈腸下分肉間治腰背

痛脚氣膝下腫轉筋鍼入七分可灸五壯

崑崙膀胱經經穴也在外踝後跟骨上陷中治證在前

陰市胃經在膝上三寸伏兔下治寒疝小腹脹滿腰已下伏

兔上寒如水鍼入三分忌灸

後谿小陽經脬穴也在小指外側垂節後陷中治證在前

間使包絡經經穴也在掌後三寸兩筋間陷中治證在前

期門肝之募在兩乳第二肋端足太陰厥陰陰維之會治胃中

煩熱責豚上下目青而嘔霍亂洩利腹堅硬大喘不得安臥

下積氣女子產餘疾食飲不下胃脇支滿心中切痛善噫若傷寒過經不解當鍼期門使經不傳鍼入四分可灸五壯

勞宮包絡經榮穴也在掌中屈指取之治證在前

大敦肝經井穴也在大指端爪甲如韭葉治證在前

內側為隱白外側為大敦

三里胃經合穴也在膝下三寸筋骨外廉內宛宛中治證在前

腕骨小腸原穴也在手外側腕骨前起骨下陷中治證在前

然骨腎經榮穴也在足內踝前大骨下陷中同前

行間肝經榮穴也在大指間動脈應手同前

尺澤肺經合穴也在肘約橫紋中同前

二間大腸經榮穴也在大指次指本節前陷中同前

迎香在禾髻上一寸鼻孔傍五分手足陽明之會治鼻有瘰肉

不聞香臭衄血偏風口喎面癢浮腫風動葉葉狀如虫行或唇

腫痛鍼入三分留三呼不宜灸忌如常法

肩井在肩上陷缺盆上大骨前一寸半以三指按取之當中指

下陷中者是一名膊井手足少陽陽維之會治五勞七傷頸項

不得迴顧臂膊悶兩手不得向頭或因撲傷腰髓疼脚氣上攻

甲乙經云祗可鍼入五分此膊井足陽明之會乃連入五藏氣

若刺深則令人悶倒不識人即速須三里下氣先補不瀉須臾

平復如故凡鍼肩井皆以三里下其氣若婦人墮胎後手足厥

逆鍼肩井立愈若灸更勝鍼可灸七壯

絲竹空一名目髻在眉後陷中手足少陽脈氣所發禁不可灸

不幸使人目小又令人目無所見治目眩頭痛目赤視物眩眩

或痛目翳一不識人眼睫毛倒發狂吐涎沫發即無時鍼入三

分留三呼直氣不直補

列缺去腕側上一寸五分以手交叉頭指末筋骨罅中手太陰絡別走陽明瘵偏風口喎手腕無力半身不遂欬嗽掌中熱口噤不開寒瘧嘔沫善笑縱唇口健忘鍼入二分留三呼瀉五吸即可灸七壯慎如前

臨泣足少陽膈穴也在足小指次指本節後間陷中治證在前
髓骨膀胱經

腎膈在十四頤下兩傍相去各一寸五分與臍平治虛勞羸瘦耳聾腎虛水藏久冷心腹脹兩脇滿引少腹急痛目視眈眈少氣瘀血小便濁出精陰中疼五勞七傷虛憊脚膝拘急足寒如冰頭重身熱振慄腰中四肢淫灑洞洩食不化身腫如水鍼入三分留七呼可灸以年為壯

會督脈

臨泣在目上直入髮際五分陷中足太陽少陽之會治卒中風不識人目眩鼻塞目生白翳多淚鍼入三分留七呼得氣即瀉

維會督脈

三陰交在內踝上三寸骨下陷中足太陰厥陰少陰之交會治疔癰腹中寒膝股內痛氣逆小便不利脾病身重四肢不舉腹脹腸鳴澹洩食不化女子漏下不止可灸三壯鍼入三分

太陵心包絡膈穴也在掌後兩筋間陷中治證在前

手三里在曲池下二寸按之肉起充肉之端治手臂不仁肘掌不伸齒痛頰頰腫瘰癧可灸三壯鍼入二分

委中膀胱經合穴也在臍中央約紋中動脈治證在前

中渚三焦經膈穴也在手小指次指本節後間同前

瀉法先以左手揣按得穴以右手置鍼於穴下令病人咳嗽

心痛引小腹滿上下無常處便溺難刺足厥陰
心痛但短氣不足以息刺手太陰

太谿穴可灸三壯或五七壯此瀉熱厥心痛
崑崙穴可灸三壯或五七壯瀉熱厥痛

接經法

心痛與背相接善恐如從後觸其心僂僕者腎心痛也先刺京
骨崑崙不已刺合骨

心痛腹脹脅滿心尤痛者胃心痛也刺大都太白二穴
心痛如錐刺乃心痛也刺然骨太谿

心痛蒼然如死狀終日不得休息乃肝心痛取行間太衝
心痛卧若徒居間動作痛益甚其色不變此肺心痛也刺魚際

太淵宣通氣行無所礙滯則病愈也

心氣痛

假令膽病善潔面青善怒得弦脉人病心下滿當刺膽井如見

善潔面青善怒脉又弦人病身熱當刺膽榮如依前色脉人病

體重節痛當刺膽俞如見善潔面青善怒脉又弦人病喘咳寒

熱當刺膽經如依前色脉又病逆氣而洩當刺膽合餘經例皆

倣此

假令肝病淋澀難轉筋兼人病或心下滿或身熱或體重節痛

或喘欬或逆氣而泄依前刺之謂刺肝經諸穴也脉沉而弦

假令小腸經病面赤口乾喜笑或心下滿刺井或身熱刺榮或

體重節痛刺俞或喘欬寒熱刺經或逆氣而泄刺合脉浮而洪

假令心經病煩心心痛掌中熱而熾脉沉而洪或心下滿刺井

或身熱刺榮或體重節痛刺俞或喘欬寒熱刺經或逆而泄刺合

假令胃經病面黃善噫善思善味脉浮而緩依上法刺之

